



2019-yil 2-noyabr

## **“O'zkiyosanoat” aksiyadorlik jamiyati rasmiy bayonoti**

Bugun ijtimoiy tarmoqdagi kanallarning birida “O'zkiyosanoat” aksiyadorlik jamiyati faoliyatiga daxldor masala yuzasidan xabar e'lon qilindi. Shu munosabat bilan “O'zkiyosanoat” aksiyadorlik jamiyati quyidagilarni ma'lum qiladi:

Avvalo xabarda bir qancha noaniqliklar mavjud ekanligini, muallif ta'kidlagan mahalliy ishlab chiqaruvchi haqida hech qanday ma'lumot yo'q ekanligini ta'kidlab o'tish joiz. Shunga qaramay, xabar so'nggida keltirilgan “Afsuski, «O'zkiyosanoat» mutasaddilari bilan bog'lanishni ham, fikrlarini olishni ham imkoni bo'lmadi” jumlasini sabab ushbu vaziyat jamiyatimiz tomonidan atroflicha o'rganildi.

“O'zkiyosanoat” aksiyadorlik jamiyati tizimidagi “Ammofos-Maksam” AJ ammafos ishlab chiqaruvchi va uni iste'molchilarga yetkazib beruvchi yagona korxonasi hisoblanadi. “Navoiyazot” AJ, “Fargonaazot” AJ, “Elektroximzavod” AJ va sobiq “Qo'qon superfosfat zavodi” AJlarida oddiy superfosfat ishlab chikariladi.

“Ammofos-Maksam” AJ tomonidan 2019 yilning yanvar oyidan boshlab hozirgi kunga qadar jami 97 959 tonna fizik holda, 44 829 tonna sof holda ammfos ishlab chiqarildi. Korxonasi ammfos mahsulotini Ts 00203074-9-2018 talablari asosida ishlab chiqaradi. Ammfos tarkibidagi fosfor oksidi miqdori  $46\pm 1\%$ , azot miqdori esa  $11\pm 1\%$  ni tashkil etadi.

2019 yilning yanvar-oktabr oylarida Birja savdolari orqali 75 262 tonna fizik holda ammfos qishloq xo'jaligi mahsulotlarini yetishtiruvchilarga yetkazib berilgan bo'lsa, 7 528 tonna fizik holda ammfos eksport qilindi.

Korxonasi tomonidan ishlab chiqarilayotgan mahsulotlar sifati doimiy ravishda, texnik nazorat bo'limi va akkreditatsiyalangan ilmiy tadqiqot kimyo-texnologiyasi laboratoriyasi tomonidan nazorat qilinib boriladi.

Ijtimoiy tarmoqdagi xabarda havola qilingan, tarkibida 6% fosfori bo'lgan ammfos o'g'iti korxonasi tomonidan hech qachon ishlab chiqarilmaganligi, ishlab chiqarilayotgan va qishloq xo'jaligiga ortilayotgan har bir mineral o'g'it sifati qattiq nazorat ostida ekanligini alohida ta'kidlab o'tish lozim.

Quyidagi javdalda “Ammofos-Maksam” AJda ishlab chiqarilayotgan ammfos hamda Qozog'iston Respublikasida ishlab chiqarilayotgan ammfos tarkibi to'g'risidagi ma'lumotlar keltirilgan:

**Ko'rsatkich nomi**

**“Ammofos-Maksam” AJ da  
ishlab chiqarilayotgan  
ammofos**

**Qozog'iston  
Respublikasida ishlab  
chiqarilayotgan  
ammofos**

O'zlashtiriladigan fosfatlar massa ulushi, %	46±1	46±1
Suvda eruvchan fosfatlarning massa ulushi, %	42,3	33,9
Al <sub>2</sub> O <sub>3</sub> va Fe <sub>2</sub> O <sub>3</sub> larning massa ulushi, %	1,2	3,8
F ning massa ulushi, % dan ko'p bo'lmagan	1,4	2,8
MgO ning massa ulushi, % dan ko'p bo'lmagan	0,4	1,9

2019 yilda korxonada faoliyati davomida mahalliy qishloq xo'jaligi mahsuloti yetishtiruvchilari hamda xorijiy xamkorlar (mijozlar) tomonidan ishlab chiqarayotgan mahsulotlar sifati bo'yicha da'vo va e'tirozlar kelib tushmagan.

Yuqoridagilarni inobatga olib, xabarda keltirilgan hamda tekshirilmagan ba'zi ma'lumotlarga oydinlik kiritishni lozim deb hisoblaymiz. Ya'ni xabarda "Afsuski, «O'zkimyosanoat» mutasaddilari bilan bog'lanishni ham, fikrlarini olishni ham imkoni bo'lmadi" deb ta'kidlangan. O'rganish natijasida "Ammofos-Maksam" AJga yoki "O'zkimesanoat" AJga bu masala yuzasidan hech qanday yozma va og'zaki murojaat bo'lmagan. Shu o'rinda ta'kidlab o'tish joizki, "O'zkimyosanoat" aksiyadorlik jamiyati tizimida "Ishonch telefoni" xizmati yo'lga qo'yilgan bo'lib, tashkilot o'zining rasmiy veb-saytiga, facebookda o'zining rasmiy sahifasiga hamda telegramm ijtimoiy tarmog'ida esa o'z rasmiy kanaliga ega.

Yuqorida sanab o'tilgan birorta vosita orqali fermerdan, jismoniy va yuridik shaxslardan xabarda keltirilgan masala yuzasidan hech qanday murojaat bo'lmagan. Shuningdek, ammfos tarkibidagi fosfor miqdorini 6 foiz ekanligini tasdiqlovchi ikkita joyda o'tkazilgan laboratoriya tekshiruvining natijalari mavjud ekanligi ta'kidlangan lekin havola etilmagan. Bundan ko'rinib turibdiki, asoslanmagan va tekshirilmagan fikr xolis fikr bo'la olmaydi.

Buni tasdiqlash uchun respublika bo'ylab sentabr va oktabr oylarida barcha viloyat tumanlariga ortilgan 50 000 tonnadan ortik (fizik holda) ammfosni xolis laboratoriyalar va fermerlarni jalb qilgan holda tekshirishga "O'zkimyosanoat" AJ tayyor ekanligini bildirib o'tmoqchimiz.

Xulosa o'rnida aytish mumkinki, O'zbekiston Respublikasining qonunchiligiga muvofiq, asoslanmagan ma'lumotlarni tarqatish hamda ushbu ma'lumot orqali shaxs yoki tashkilotning sha'ni, qadr-qimmati va ishchanlik obro'siga putir yetkazganlik uchun javobgarlikka tortilish belgilangan.

"O'zkimyosanoat" aksiyadorlik jamiyati ishonch telefoni: (78) 140-74-14.

**"O'zkimyosanoat" AJ Matbuot xizmati**

**source:**

"O'zkimyosanoat" aksiyadorlik jamiyati

<https://new.uzkimyosanoat.uz/oz/press/news/ammofos>